

समे – 12:25

<><><><><><>

PM-Gyuana Visit

भारत ते गुयाना नै सेहत, हायड्रोकार्बन, राई-बाई ते होरने सरबन्धत क्षेत्रे च सांझ सैहयोग गी बढ़ावा देने लेई 10 सैहमति पत्रे पर दस्तखत कीते न। चिकित्सा उत्पादे, जन औषधि योजना, सांस्कृतिक आदान प्रदान कार्यक्रम गुयाना च सूपीआई प्रणाली लागू करने ते प्रसार भारती ते गुयाना दे राष्ट्रीय संचार नेटवर्क बश्कार प्रसारण दे क्षेत्र च सैहयोग पर समझौता ज्ञापन पर दस्तखत कीते गे। एहदे अलावा राष्ट्रीय रक्षा संस्थान, गुयाना ते राष्ट्रीय रक्षा विश्वविद्यालय, गुजरात बश्कार समझौता ज्ञापन पर दस्तखत कीते गे। प्रधानमंत्री नरेन्द्र मोदी ते गुयाना दे राष्ट्रपति मोहम्मद इरफान अली बश्कार कल संजा जार्ज टाउन च प्रतिनिधिमंडल स्तर दी गल्लबाज मगरा दौनें मुखे बश्कार समझौते पर दस्तखत कीते गे। गुयाना दे राष्ट्रपति होरे आखेआ जे प्रधानमंत्री हुंदे कन्ने चर्चा बड़ी सकारात्मक रेई। एह दपक्खी सरबन्धे गी मजबूत करने ते क्षेत्रीय ते वैश्विक चिंताएं गी सैहयोगात्मक रूपे कन्ने संबोधत करने दे उंदी सांझा प्रतिबद्धता गी बी मजबूत करदी ऐ। प्रधानमंत्री मोदी हुंदी तरीफ कीती ते विकासशील मुखे च उंदी असरदार अगुवाई ते योगदान आस्तै उनेंगी नेताएं बश्कार चैपियन दस्सेआ। प्रधानमंत्री मोदी होरे उनेंगी गुयाना दे सब्बने शा बड्डा सम्मान देने लेई उंदा धन्नबाद कीता ऐ ते आखेआ ऐ जे एह सम्मान 140 करोड़ भारतवासिएं दा सम्मान ऐ। उनें इस सम्मान गी भारत ते गुयाना बश्कार एतिहासक सरबन्धे ते अननुदृष्ट रिश्ते गी समर्पित ऐ।

<><><><><><>

PM-Dominica Honour

डोमिनिका नै प्रधानमंत्री नरेन्द्र मोदी होरे गी अपने मुखे दे सवोच्च सम्मान डोकमनिका अवार्ड ऑफ ऑनर कन्ने सम्मानित कीता ऐ। डोमिनिका दे राष्ट्रपति सिनवैनी बर्टोन होरे कोविड-19 महामारी दे दरान डोमिनिका दी मदद करने ते दौनें मुखे बश्कार दोस्ती गी मजबूत करने लेई एह सम्मसन मोदी होरे गी दित्ता ऐ। प्रधानमंत्री मोदी होरे आखेआ जे एह सम्मसन 140 करोड़ भारतवासिएं गी समर्पित ऐ।

<><><><><><>

JK-Pre Budget Meet

जम्मू कश्मीर सरकार दियां बक्ख-बक्ख मैहकमे कन्नै बजट कोला पैहले आलिएं बैठकें दा सिलसिला 27 नवम्बर थमां शुरू होग जिंदे च 2025-26 आले ब'रे लेई बजट प्रस्ताह ते 2024-25 दे नमें सिरैया कयाफें गी मुकदा रूप दित्ता जाग। आकाशवाणी दे जम्मू संवाददाता नै जानकारी दित्ती ऐ जे इनें बैठकें दरान सरकार 36 प्रशासनिक विभागें कन्नै सलाह सूत्र करग ते एह सारी प्रक्रिया 20 दिसम्बर गी मुकम्मल होई जाग। जम्मू कश्मीर दे वित्त विभाग आस्सेआ जारी इतलाह मूजब सब्बने मैहकमें गी इनें बैठकें दे शुरू होने कोला पैहले-पैहले बजट घोषणाएं पर होई दी कारवाई बारे एक्शन टेकन रिपोर्ट जमा कराने लेई आक्खी दित्ता गेआ ऐ।

<><><><><><>

JK-PM Surya Ghar

लोकें गी प्रधानमंत्री सूर्य घर मुफ्त बिजली योजना तैहत दित्ती जाने आले सब्सिडी दा लाह ठोआने लेई प्रेरत करने लेई जम्मू कश्मीर बिजली विकास अजेंसी जकेडा लोकें तगर पुज्जियै उनेंगी एहदे फायदे बारे जागरूक करा करदी ऐ। आकाशवाणी दे जम्मू संवाददाता नै जानकारी दित्ती ऐ जे जकेडा परती परतियै बरतोई सकने आली ऊर्जा दे इस्तेमाल गी बढ़ावा देआ करदी ऐ जिंदे च सोलर, पनबिजली, हवा, जियो-थर्मल, जैव ऊर्जा ते हायड्रोजन ऊर्जा दे स्रोत बी शामिल न, जेहदे नै मते शा मते लोकें गी ऊर्जा दी सखल्ली उपलब्धा जकीनी बनोग, आर्थिक विकास गी बढ़ावा थहोग ते कार्बन उत्सर्जन बी घट्ट होग। जम्मू बिजली बंड निगम नै घरेलू उपभोक्ताएं गी अपील कीती ऐ जे ओ अपने घरें पर इस योजना तैहत सौर ऊर्जा दे सयंत्र लोआन। जम्मू कश्मीर सरकार एहदे लेई 1 किलोवाट पर 3 ज्वार, 2 किलोवाट पर 6 ज्वार ते 3 किलोवाट पर 9 ज्वार रपे दी बाद्धू रियायत देआ करदी ऐ।

<><><><><><>

JK-NIA Raids

राष्ट्रीय जांच अजेंसी एनआईए अज्ज जम्मू प्रांतै दे बक्ख-बक्ख जिलें च अज्ज 8एं थाहरें पर छापेमारी करै करदी ऐ। आकाशवाणी दे जम्मू संवाददाता नै जानकारी दित्ती ऐ जे छापे मारी

रियासी, डोडा, उधमपुर, रामबन ते किश्तवाड़ जिलें च कीती जा'रदी ऐ, जेहड़ी आतंकवादिएं दी बन्ने पारा घुसपैठ दे मामले दे सिलसिले च ऐ। एनआईए दे अधिकारिणं गी इस कारवाई च जम्मू कश्मीर पुलस ते सीआरपीएफ सैहयोग करै करदी ऐ। एह्दे शा पैहले कल बुधवारें जांच अजेंसी नै प्रतिबंध लग्गे दे पाकिस्तान आधारित आतंकी संगठनें दी साजश कन्नै आतंकवादिएं लेई पैहा किट्ठा करने ते नशीले पद्धार्थे दी बिक्री ते लैन देन करने दे 2020 दे इक मामले च वांछत इक आरोपी मुनीर अहमद वांड गी गिरफ्तार कीता हा जेहड़ा पिछले 4 ब'रे दा फरार हा।

<><><><><><>

Terror Funding Case

दिल्ली दी इक अदालत अज्ज इस बारे फैसला देई सकदी ऐ जे क्या जम्मू कश्मीर थमां लोकसभा दे मिंबर इंजीनियर रशीद खलाफ आतंकवाद लेई कथित तौरा पर रपेया पैहा उपलब्ध कराने आले मामले गी विशेष एमपी जां एमएलए अदालतै च मुंतकिल कीता जाना लोड़चदा जां नेई। अडीशनल सेशन जज जस्टिस चन्द्रजीत सिंह होरें इंजीनियर रशीद दी नियमित जमानत अर्जी पर अज्ज फैसला सनाने दा फैसला कीता। एह्दे शा पैहले उनें आखेआ हा जे मामले गी जन प्रतिनिधिणं खलाफ मुकदमे पर सुनवाई करने आली विशेष अदालतै च भेजेआ जाई सकदा ऐं इंजीनियर रशीद दी किश म्हीने पैहले करोआए गेदे लोकसभा चुनाएं च बारामुला लोकसभा सीट पर चुनेआ गेआ हा। उनेंगी 2017 च आतंकवाद लेई रपे पैहा उपलब्ध कराने दे इक मामले च यूएपीए दिएं बवस्थाएं तैह्त एनआईए नै 2019 च गिरफ्तार कीता हा।

<><><><><><>

Kathua-Millet Resturant

कठुआ जिले च मुट्ठे अनाज पर आधारित पैहला-पैहला रेस्तरां खोलेआ गेआ ऐ। आकाशवाणी दे जम्मू संवाददाता नै जानकारी दित्ती ऐ जे जिला विकास कमीशनर डॉ. राकेश मिन्हास हुंदे आस्सेआ उद्घाटन कीमे गेदे इस रेस्तरां गी इक आप सहायता समूह दियां महिला चला करदियां न ते लोकें लेई बी एह् मुट्ठे अनाज नै तैआर बक्ख-बक्ख किस्में दिएं चीजें गी चक्खने दा सनैहरी मौका ऐ। मुट्ठे अनाज गी समझदे होई ते भारत दे आक्खने पर संयुक्त राष्ट्र नै 2023 गी मिल्लेट पीअर जानी मुट्ठे अनाज दा ब'रा घोशत

कीता हा। एह रेस्तरां बाजरा, रागी जोवार ते होर दुए मुट्ठे अनाजें गी बढावा देने लेई राई—बाई दे समूलचे विकास सरबन्धीउ एचएडीपी प्रोग्राम थमां प्रेरत इक महत्वपूर्ण पैहल दे रूपै च शुरू कीता गेआ ऐ।

<><><><><><>

All Party Meet

संसद दा सयाले आला इजलास शुरू होने कोला इक रोज पैहले सरकारै 24 नवम्बर गी सब्बने पार्टिणं दी इक बैठक सददी ऐ। संसदीय मामले दे केन्द्री मंत्री किरन रिजिजू होरें दस्सेआ जे एह बैठक ऐतवारें बडलै 11 बजे संसद भवन दे मुख्य कमेटी रूम च लग्गोग। जेह्दे च सब्बने पार्टिणं गी संसद दे दौने सदनें दी कारवाई रमानदारी ते बवस्था आले ढंगै सिर चलाने च सैह्योग देने दी अपील कीती जाग। 25 नवम्बर गी शुरू होने आला एह सयाले आला इजलास 20 दिसम्बर जोड़ी चलग। 26 नवम्बर गी संविधान दिवस दे मौके पर सदन दी कारवाई नेई होग।

<><><><><><>